



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thesavrvs Casvum Conscientiæ

Continens Praxim exactissimam De Censvris Ecclesiasticis, Aliisque
Poenis, & Canonicis impedimentis, in Septem Libros distributus ...

Sayer, Gregory

Venetiis, 1627

Pr[a]eludium totius Libri.

urn:nbn:de:hbz:466:1-13883

Ad cap. 17. nu. 7. eod. lib. 2. Adde Cur. n. hoc non licebit in cenſuris, ſi hoc idem conceditur in Sacramentis, quæ licet non poſſunt conferri ſub conditione vera, & ſuſpenſiva, puta, ſi hoc feceris, vel non feceris, abſoluo te, ſed ſic ſub conditione de præterito, & impropria, nec ſuſpenſiva, puta, ſi non es baptizatus, baptizo te; ſi non es abſolutus, abſoluo te; ſi quæ confiteris peccata ſunt, ab-

ſoluo te; qui ſunt modi uſitati, & liciti, quando quis habet dubium facti, vel iuris circa materiam, perſonam, & ſimilia; vt notat poſt alios Bartol. Med. lib. 2. c. 12. poſt princ. pag. 251. & Suar. tom. 4. diſp. 26. ſect. 6. Cur & hoc non licebit in abſolutione cenſuratum, ubi enim eadem, & maior ratio uiget, idem etiam ius ſtare non prohibetur, iuribus uulgatis.

Finis Secundæ Libri.

D E
EXCOMMUNICATIONIBVS
IN IURE LATIS,

ALIISQVE CONSTITUTIONIBVS
PONTIFICIIS.

Liber Tertius.

P R Æ L V D I V M.

Auctores Bullam Cœnæ, eiusque, & alias iuris ſententias, & Cenſuras,
aut obiter, aut ex profeſſo explicantes.



De Excommunicationibus tam in Bulla Cœnæ, quam in iure contentis tractant Paludanus 4. diſt. 18. q. 3. per totum. Hoſtienſis in Summa lib. 5. ſub titulo de ſententia excomm. Innocentius Papa 2. IV. Panormitanus, Marianus Socinus, & alij communiter in explicacione eiusque tituli. Ioannes de Friburgo in Summa confeſſorum, lib. 3. tit. 33. a queſt. 34. & deinceps. Summa Aſenſis par. 2. lib. 7. tit. 3. Summa Piſanella in uerbo excommunicatio. 1. Summa Angelica. uerb. eod. 5. 6. & 7. S. Anton. par. 3. tit. 25. Sylueſter in Summa uerbo excommunicatio. 6. 7. 8. & 9. Taberna uerb. eod. 5. 6. & 7. Caietanus in Summa uerbo excommunicatio per totum. Martinus Ledſmus in 2. 4. queſt. 26. artic. 2. Martin. Nauar. in Manuali, capit. 27. a num. 49. & deinceps.

Gregorius Tholoſanus in Syntagmate iuris. par. 3. tit. 31. c. 9. Alphoſus Pinaldus in ſuo Candelabro aureo, par. 2. Iacobus de Graſſis par. 1. deciſ. lib. 4. Summa Corona par. 3. c. 10. Coſmus Philiaebus de officio Sacerd. par. 1. lib. 4. cap. 30. 31. & 32. Sebaſt. Medices in ſua Summa Capitalium peccatorum. q. 78. Card. Tolet. in Summa Inſtr. Sacer. in fine, & alij recentiores.

S V M M A R I V M.

- 1 Excommunicationum numerus in iure quiſnam ſit.
- 2 Excommunicationum, quedam reſeruaſunt, & quedam non.
- 3 Diuiſio huius libri tertij, & partes eius.



- D**e plurimæ ſint, ac ferè innumerabiles excommunicationes in iure late, vt colligitur ex Hoſtienſ. lib. 5. tit. de ſent. excom. num. 3. §. Quia poſſit, qui enumerat triginta tres caſus ex Decreto, & Decretalibus uſque ad tempora ſua, & ex Gloſ. in cap. Eos, qui in uerbo Canonis, de ſent. excom. lib. 6. ubi reſert triginta duas latas per ſolos textus ſexti, & Gloſ. in Clem. 1. in uerbo excommunicationis ſententia. de ſentent. excom. ubi reſert quinquaginta latas ipſo facto per ſolas Clementinas, & poſtea mirum in modum earum numerus auctus ſit, ita vt vix certus aliquis numerus exprimi poſſit, quatum aliquæ Summo Pontifici reſeruantur, aliquæ uerò ſolis epiſcopis, quedam uerò nulli reſeruate ſunt, nos ad omnem confuſionem tellendam in eis reſcendis, & explicandis hunc ordinem ſeruabimus.

- 1 *Vt primo* enumeremus illas quæ in Bulla Cœnæ Domini continentur, quæ ceteris omnibus ſunt magis reſeruate, & timendæ magis.
 - Secundo*, quæ in iure expreſſe ſunt;
 - Tertio*, quæ in Extrauagantibus iuri inſertis;
 - Quarto*, quæ in Extrauagantibus necdum in ius relatis reſeruantur.
 - Quinto*, & poſtremo, quæ nulli reſeruantur.

De origine, & Antiquitate Bullæ Cœnæ
Domini; Et an iuris, vel hominis
ſententiæ ſint. Cap. I.

S V M M A R I V M.

- 1 Bullæ Cœnæ Domini origo, & antiquitas, ex Soti, & Cardinalis Toleti ſententia.
- 2 Soti, & Toleti opinio de Bullæ Cœnæ antiquitate, ab auctore reſellitur.
- 3 Proceſſus ſolemnes, quibus anni temporibus olim a ſummis Pontificibus fieri ſolebant.
- 4 Proceſſus ſolemnes, contra quas perſonas antiquitus fieri conſueuerunt.
- 5 Proceſſus Cœnæ Domini, unus ex tribus antiquiſſimis, ſed in anuo fieri ſolit.
- 6 Proceſſus cœnæ Domini, omnia quinque in antiquis proceſſibus incluſa, continet.
- 7 Bulla cœnæ Domini, non ſolum Martino V. ſed etiam Clemente V. antiquior eſt.
- 8 S. Thomas de Aquino, temporibus Vr bani IV. & Clementis IV. floruit.
- 9 Regule Cancellaria, Canones Curia, nunquam appellari ſolent.
- 10 Proceſſus Bullæ cœnæ Domini a quinquaginta ſummis Pontificibus, per trecentos annos ſummo iudicio reuocatus quotannis eſt.
- 11 Heretici, falſè Eccleſiam, & Summos Pontifices, ſententiat, & crudelitatis accuſant.

Bal.